



Administrativna komisija

Broj: 04-GV-04-729/24
Sarajevo, 29.05.2024. godine

ZAPISNIK O RADU 76. SJEDNICE ADMINISTRATIVNE KOMISIJE održane 29.05.2024. godine

Prisutni:

1. Jasmin Ademović, predsjedavajući
2. Srđan Simonović, član, po ovlaštenju
3. Biljana Lazarević, član po ovlaštenju
4. Alen Girt, član
5. Bajro Biber, član,
6. Dragan Stevanović, član,
7. Drago Jurić, član

Sjednici iz Stručne službe za poslove Gradskog vijeća Grada Sarajeva prisustvuje:

- Mila Eminović, sekretar Gradskog vijeća
- Mirjana Đanović-Stanić, rukovodilac Stručne službe Gradskog vijeća
- Nejra Selimović, šef Odjeljenja za kabinetske poslove predsjedavajućeg Gradskog vijeća

Sjednici prisustvuju i :

- Muamer Kutlovac, pomoćnik Gradonačelnice za finansije
- Bakir Hadžiomerović, direktor JP „Sarajevo“ d.o.o.

Predsjedavajući komisije je otvorio sjednicu u 09.00 sati, pozdravio prisutne, utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 75. sjednice Administrativne komisije Gradskog vijeća Grada Sarajeva održane 24.05.2024. godine.

Na prijedlog predsjedavajućeg, Administrativna komisija jednoglasno usvojila sljedeći **dnevni red**:

1. Prijedlog Odluke o davanju saglasnosti na Odluku o raspodjeli dobiti Javnog preduzeća Sarajevo d.o.o. za 2023. godinu
2. Tekuća pitanja



TAČKA 1.

Prijedlog Odluke o davanju saglasnosti na Odluku o raspodjeli dobiti Javnog preduzeća Sarajevo d.o.o. za 2023. godinu

Poslije uvodnog izlaganja i diskusije, te sažetka Predsjedavajućeg, Administrativna komisija je jednoglasno odlučila kako slijedi.

1. Administrativna komisija je razmotrila Prijedlog Odluke o davanju saglasnosti na Odluku o raspodjeli dobiti Javnog preduzeća Sarajevo d.o.o. za 2023. godinu te na prijedlog Predsjedavajućeg i u skladu sa članom 124. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), na Prijedlog Odluke o davanju saglasnosti na Odluku o raspodjeli dobiti Javnog preduzeća Sarajevo d.o.o. za 2023. godinu, jednoglasno podnosi sljedeći:

Amandman

Mijenja se tekst člana 1. Prijedloga Odluke o davanju saglasnosti na Odluku o raspodjeli dobiti Javnog preduzeća Sarajevo d.o.o. za 2023. godinu tako što se na kraju teksta prije tačke, dodaje zarez i sljedeći tekst: „, s tim da se tekst člana 1. stav prvi, alineja (2) navedene Odluke o raspodjeli dobiti Javnog preduzeća Sarajevo, d.o.o. za 2023. godinu, Skupštine JP Sarajevo d.o.o, mijenja tako da glasi: Iznos od KM 807.546,24 (50%) izdvaja se u Budžet Grada Sarajeva za 2024. godinu, kako je to i navedeno u planu prihoda u Budžetu Grada Sarajeva za 2024. godinu“

Obrazloženje:

Budući da je u Budžetu Grada Sarajeva za 2024. godinu, u planu prihoda, planiran neporezni prihod od dividendi i udjela u profitu javnih preduzeća i finansijskih institucija u iznosu od 800.000,00 KM, potrebno je ova sredstva usmjeriti u Budžet Grada Sarajeva kako bi se ostvario planirani prihod, te time stekli uslovi za planiranje izdataka kako je to i navedeno u Budžetu Grada Sarajeva za 2024. godinu.

2. Administrativna komisija sugeriše Gradskom vijeću Grada Sarajeva da razmatra Odluku o davanju saglasnosti na Odluku o raspodjeli dobiti Javnog preduzeća Sarajevo d.o.o. za 2023. godinu, kako je predložena uz uvažavanje podnesenog amandmana.

TAČKA 2.

Tekuća pitanja

Na prijedlog predsjedavajućeg Komisije, jednoglasno je usvojen sljedeći **zaključak**:

Administrativna komisija Gradskog vijeća upućuje inicijativu Gradskom vijeću Grada Sarajeva da donese sljedeći zaključak:

Zadužuje se Pravobranilaštvo Grada Sarajeva da razmotri sve modalitete ustupanja u zakup objekta „Vidikovac“ na Trebeviću u stanju u kojem se sada nalazi i predloži Gradskom vijeću Grada Sarajeva odnosno Gradonačelnici akte potrebne za odlučivanje u tom pravcu.

PREDSJEDAVALJUĆI KOMISIJE
Jasmin Ademović, s.r.